

Kibaru

San 2020 Awirilikalò,
san 48nan - Boko 579nan
songo = dorome 35

Kunnafoniseben bota kalo o kalo - BP : 24 - Telefoni : 20.21.21.04 Kibaru bugufiye Bosola Bamako

depitesigikalataw jaabi labanw di Jamana sariyasunba lafasabulon ye

Kalata sariya b'a jira, ko Mali depitew be sigi ka keje ni kalataw jaabiw ye. Kalata tako folo la, ni depiteya nininbaa walima faranogonkanjekulu min ma a ka serekili kalatala jama fanba soro, fila folo min dalen be nogon kan jamako la, tako filanan be boloda olu ce. Kiiritigela 9 de be jamana sariyasunba lafasabulon kono. U nemogoba ye Madamu Manasa Dapoko ye. A demenba tow ye Madamu Fatumata Jali, Mahamudu Buware, Seyidu Nuru Keyita, Modibo Tunti Gindo, Zumana Musa Sise, Npere Jara, Baya Berete ani Bamasa Sisoko. Nin mogo 9 fana demenbaa ye Metiri Abdulayi Nboji ye. Ale de be kiirisebenw laben, kiiri mana tige ka jaabiw fana fara nogon kan.

Mara ni desantalarizason minisiri Bubakari Alifa Ba y'a jira, ko joyoroseben 547 sorola; mogo 1.417 togo b'olu kan, muso 430 b'olu cela. O b'a jira ko joyoropininna mume na 30% ye muso ye, a to 70% ye ce ye. Kalatala hake min sebenna, o ye mogo 7.663.464 ye, wotekeso 22.147 kama. Mogo 22 ka depiteya latigera kabini depitesigi tako folo la Alamisadon awirilikalò tile 9 san 2020, jamana saiyasunba lafasabulon ye depitesigi kalataw tako folo jaabi laban di. O kalataw kera san 2020 marisikatlo tile 29, mogo 22 ka depiteya latigera kabini o la. O b'a jira ko tako filanan te ke nin serekiliw kono bilen: Kayi depite 5, Yelimani depite 2, Nonon depite 3, Jene depite 2, Tumutu depite 1, Nafunke depite 2, Buremu depite 2, Menaka depite 1, Kidali depite



URNE

1, Abeyibara depite 1, Tesaliti depite 1 ani Tini-Esako depite 1. Lapiniseben 77 cira jamana sariyasunba lafasabulon ma, ko jaabi minnu dira mara ni desantalarizason minisiri fe, k'o dow ka segesege.

Hakililajigin na, mogo 2.726.292 de bora ka wote kalatala sebennen mume na tako folo la. Mogo 9.334 ka wote jaabiw ma lakodon ka da namaraw kan, mogo 113.801 ka wote kecogo ma je, olu ma jate. Mogo hake min ka wote kecogo jatera, o benna 2.603.157 ma. O b'a jira ko kalatala sebennen hake la, 35,58 de wotera.

Depite 125 to sorola kalata tako filanan

Mali depitesigi kalata tako filanan kera awirilikalò tile 19 san 2020. Wolomaniw kera ka kalata kecogo pumanw ni kecogo juguw bo nogon na. Depiteya nininbaaw ni fara nogonkanjekulu depiya nininbaaw ka mogo hake sorolenw u ka serekiliw ni Bamako faabakono, olujaabiw lasera mara ni desantalarizason

minisiri fe, ka soro k'u lateme jamana sariyasunba lafasabulon ma. Joyoropininna minnu y'a jira ko namara kera u la, olu ye lapiniseben 88 ladon kiiriso la, walasa ka kiiri tige u ni nogon ce.

Jamana sariyasunba lafasabulon de b'o kiiriw tige, ka soro ka jaabi lakika da jamanadenw tulo kan. O jaabidi laban de kera alamisadon awirilikalò tile 30 san 2020. A jirala ko mogo hake min tun yamaruyalen don nin sen in na ka kalawta, o mume ye 6.691.305 ye. Mogo hake min bora ka kalata awirilikalò tile 19, o benna 2.358.909 ma. Ban kera mogo minnu ka wote jaabiw la k'a sababu ke namarakow ye, o benna 120.843 ma. Mogo hake min ka kalata kecogo ma je, o kera 51.989 ye. Mogo minnu ka kalata kecogo pena, o benna 2.186.077 ma. O b'a jira ko 35,25 de bora ka wote kalatala togo sebennenw na. Lapinin minnu kera jamana sariyasunba lafasabulon na, olu fesefeselen ye yelama don mara minisiri ka jaabi dilen

dow la Bamako komini 11o ni 5nan, Bugunin ani Koro. A tun jirala ko depiteya nininbaa minnu binna, olu de labanna ka ye ten kan. O de la Bamako komini 11o la RPM-ADEMA ye sebaaya mine ni 51,72% ye. Komini 5nan na RPM-APR ye sebaaya mine ni 50,32% ye, Bugunin CD Mogatigiya-ADEMA-CODEM ye sebaaya mine ni 50,10% ye, Koro Mali be ka taa je (Mali qui bouge) ye sebaaya mine ni 58,30% ye.

Depite 147 minnu sorola, u cogoyaw file: RPM depite 51; ADEMA depite 24; URD depite 19; MPM depite 10; ADP Maliba depite 6; CODEM depite 5; ASMA depite 4; Mali be ka taa je (Mali qui bouge) depite 4; UDD depite 4; Yelama depite 3; SADI depite 3; Ansongo jigi (Espoir Ansongo) depite 2; PARENA depite 2; CDS Mogatigiya depite 2; MPR depite 1; APR depite 1; UM-RDA depite 1; PS Yelenkura depite 1; PRVM depite 1; UFDP depite 1; PMK depite 1; PDES depite 1.

Mali depitew ye:

- | | | | |
|----------------------------------|----------------------------|-------------------------------------|------------------------------------|
| 1. Aliyu Jalo | 39. Mahamadu Nfa Senpara | 80. Mayimuna Wologemu | 118. Mariselen Gengere |
| 2. Mahamadu Sise | 40. Musutafa Jakite | 81. Sayon Keyita | 119. Hamidu Aguno Jimude |
| 3. Bano Jawara | 41. Mamadu Jarasuba | 82. Mamadu Sidibe | 120. Yogoyire Dupo |
| 4. Modibo Kani Dunbiya | 42. Yiri Keyita | 83. Isa Kone | 121. Juwaratu Zorome |
| 5. Mariti Jawara | 43. Musokura Samake | 84. Sori Ibrahima Dawu | 122. Abuderahamani Niyangi |
| 6. Janba Tarawele | 44. Isa Kulubali | 85. Mayimuna Darame | 123. Amadu Sise |
| 7. Bakari Sako | 45. Mari Noweli Kulubali | 86. Abudulu Galili Mansuru Hayidara | 124. Usumani Alayi Sise |
| 8. Jaje Ba | 46. Suleymani Dunbiya | 87. Abudulayi Fofana | 125. Musa Kalidi |
| 9. Amadu Araba Dunbiya | 47. Yusufu Kamara | 88. Yakuba Tarawele | 126. Mohamedi Elimeludi Agi Hamada |
| 10. Hayine Kulubali | 48. Domo Adama Sidibe | 89. Amadu Kulubali | 127. Mohamedi Fali Uludu Mohamedi |
| 11. Seku Abudu Kadiri Sise | 49. Siyaka Batuta Bagayoko | 90. Ami Jara | 128. Yunusu Mayiga |
| 12. Baberi Gano | 50. Guwano Kulubali | 91. Salimata Tarawele | 129. Fatimata Aliyu Ture |
| 13. Modibo Mayiga | 51. Ayisata Mayiga | 92. Ayisatu Sise | 130. Aribonkana Buyeyi Mayiga |
| 14. Sumayila Sise | 52. Case Kulubali | 93. Alimusutafa Sanogo | 131. Asaridi Agi Inbarakawani |
| 15. Dedewu Tarawele | 53. Sajo Dunbiya | 94. Mamadu Jawu | 132. Abudulubaki Ibrahimu Jalo |
| 16. Mohamedi Uludu Matali | 54. Seriba Jara | 95. Haruna Abubakari Tarawele | 133. Akilikinani Agi Suleymani |
| 17. Ayisata Alasani Sise | 55. Jeneba Tarawele | 96. Dirisa Tangara | 134. Mamadu Farankali Keyita |
| 18. Bajan Agi Hamatu | 56. Matenen Jara | 97. Mariyamu Kulubali | 135. Wali Jawara |
| 19. Sogibu Agi Ataheri | 57. Umu Sumare | 98. Bekayi Samake | 136. Karimu Keyita |
| 20. Agi Bibi Ahumada | 58. Abudulayi Kulubali | 99. Suleymani Kulubali | 137. Hadi Niyangandu |
| 21. Ayisa Beliko Mayiga | 59. Mahamadu Jariso | 100. Sina Umaru Tarawele | 138. Asitan Jalo |
| 22. Mohamedi Agi Intala | 60. Mamadu Tangara | 101. Kadija Sangare | 139. Bakari Jara |
| 23. Barahima Janesi | 61. Hawuwa Tarawele | 102. Suleymani Danbele | 140. Musa Mara |
| 24. Mori Sako | 62. Siyaka Tarawele | 103. Jeneba Dawu | 141. Asani Sidibe |
| 25. Mariyamu Suko | 63. Abu Bagayoko | 104. Anzi Mari Dakuwo | 142. Musa Tenbine |
| 26. Marimanca Jara | 64. Fatumata Kanute | 105. Mariyamu Jasana | 143. Ibrahima Bagayoko |
| 27. Sekina Kulubali | 65. Nuhun Bokumu | 106. Kuse Tera | 144. Umu Kulubali |
| 28. Fode Ture | 66. Kadija Wologemu | 107. Musa Alayi Sise | 145. Mariyamu Kapasi |
| 29. Mamadu Salifu Jalo | 67. Dirisa Sangare | 108. Garaba Samaseku | 146. Mamadu Sumaworo |
| 30. Abudulayi Konate | 68. Mayimuna Mariko | 109. Beliko Samaseku | 147. Mohamedi Sanogo |
| 31. Mohamedi Tunkara | 69. Sunkalo Togola | 110. Bokari Sagara | |
| 32. Madamu Sangare Awa Jakite | 70. Jeminetu Fonba | 111. Amadu Jepikile | |
| 33. Madamu Male Mariyamu Danbele | 71. Logona Tarawele | 112. Yapema Jigiba | |
| 34. Yoro Jalo | 72. Yusufu Kulubali | 113. Tijani Gindo | |
| 35. Wadi Sisoko | 73. Dawuda Musa Kone | 114. Kalefu Tesuge | |
| 36. Ibrahima Yara | 74. Sidiki Nfa Konate | 115. Alida Sonboro | |
| 37. Isaka Sidibe | 75. Bakari Kone | 116. Abudulayi Mohameduni Ansari | |
| 38. Eli Jara | 76. Maro Fofana | 117. Amadu Mayiga | |
| | 77. Bintu Danbele | | |
| | 78. Musa Sangare | | |
| | 79. Bubakari Kulubali | | |

FIFA ye awirilikaloo ntolantantoww kulusigili jaabiw di

Dijne sennantolantantoww n'oo ye FIFA ye, o ye kulusigiliw jaabiw di. An bee b'a don, ko koronawirisiko ye ntolantantoww bolodalen bee lajo folo. O la yelema ma don joyorow la awirilikaloo la. Afiriki kono Senegali be ten kan, ka Tinizi, Nizeriya, Alizeri, Maroku, ani Gana da o kan. Mali be joyoro 9nan na; ale ma bo a no na; nka a be joyoro 56nan na dijne kono. Kabini kulusigili min kera feburuyekalo la, ntolantantoww ma ke o kofe. Wa fosi were tena dogoda yanni zuwenkalo ce. Fo ka koronawirisiko ban, yelema tena don joyorow cogoya la dijne kono tuguni. Dijne kono Beliziki de be ten kan, ka Faransi, Berezili, Angileteri, Uruguwe, Korowasi ani Poritigali da o kan. Dijne ntolantantoww kulusigili kura jaabiw ka kan ka di zuwenkalo tile 11 san 2020.

Yanni o ce, Afiriki ntolantantoww be miiri min na folo, o ye KANI 2021 jebila ntolantantoww ye; olu minnu tile 3nan ni 4nan tun ka kan ka ke marisikaloo kono. Tile fila folo minnu kera, Mali ni Lajine be joyoro folo la ni kuru 4 ani farankan 2 ye. U fila bee be kulu kelen kono; n'oo ye kulu A ye. Tile 3nan ni 4nan nataw la, Mali ni Namibi be jagon soro, Lajine ni Cadi be jagon soro. Maliden fila ka kan ka na, ka fara Samatasegew kan yanni o ntolantantoww ka se. Adama Jara Tarawele b'oo la. Ale bangeri Esipani. Ani Abudulayi Dukure; o bangeri Faransi. Ferederiki Umaru Kanute min ye ntolantantoww koro ye Samatasegew fe, o ni nin mogo fila bee ye kumanogonya ke, k'a nini u fe, u k'u jilaja ka na ntolan tan u faso Mali fe. U bena son wa, u bena ban wa, mogo t'oo don folo. Sabula u faso filananw, n'oo ye Esipani ni



Faransi ye, olu fana bolo bolen b'oo nofe, u ka jen u faso folow ko, ka ntolan tan olu fe.

Sayibu S. Kamisoko
Dakala Yusuf u Jara

Gɔferenaman ka dabali 20 tigelen koronawirisi kɔlɔlɔw kunbenni na

Dabali 1 : Jamanakuntigi jenna a ka kalo saba sara ko.
 Dabali 2 : Minisirijemɔgɔ jenna a ka kalo fila sara ko.
 Dabali 3: Minisiri bɛɛ jenni a ka kalo kelen sara ko.
 Dabali 4: Ladiyaliwari kerengerennen keneyatigilamɔgɔw ye, minnu be koronawirisiko kunna.
 Dabali 5: Ladiyaliwari kerengerennen lakanabaaw ye, minnu be jama sennasɔnni waleyaw kɔlɔsili la, ani ka mɔgɔw bali ka fara jɔgɔn kan ka ke kulu ye.
 Dabali 6: Nunnabiri miliyɔn caman dilan kɔɔrifini na gɔferenaman ye, Mali cakedabaw, fitininw ani mankanw fe; finikalalaw b'o la.
 Dabali 7: Baarabolodalen "Maliden kelen, nunnabiri kelen" o damineni, ni nunnabiri minnu be se ka ko n'u nɔgɔra, o miliyɔn 20 jinini

kerengerennen jamana kɔkan, k'u lase Bamako yanni tile 8 ce.
 Dabali 8: Se fosi te denbaya minnu ye, sefawari miliyari 100 bena kerengeren olu bolomademeni kama.
 Dabali 9: Mɔgɔw te jɛ dunfen minnu ko tile kɔnɔ, i n'a fo malo ni nɔnɔ, do boli olu duwanesara hake la kalo 3 kuntaala kɔnɔ.
 Dabali 10: Se fosi te mɔgɔ minnu ye, gɔferenaman b'a jɔ n'olu ka san 2020 awirilikalɔ ni mekalo ji ni kuran fakitiriw sarali ye.
 Dabali 11: Teweya (TVA) min be fara ji ni kuran kan san 2020 awirilikalɔ, mekalo ani zuwenkalo kɔnɔ mɔgɔ o mɔgɔ fe, o binni bɛɛ ye, u te sara.
 Dabali 12: Se te mɔgɔ minnu ye ni koronawirisi kɔlɔlɔ yelenna u la, olu bolomademe ni balo tɔni 56.000 ani baganbalo tɔni 16.000 ye fu la.
 Dabali

13: Yelema donni mɔgɔw ka lenpo sarataw hake la; ani lenpo hake sarata tɔ bɛɛ, k'a damine fo fanga sanfedan na.
 Dabali 14: Yelema donni baara keta kerengerennenw musakacogo la; wari be don ko o ko dafɛ, o be ke minisirijemɔgɔ ka kɔlɔsili kɔnɔ.
 Dabali 15: Mɔgɔ minnu ka juru be gɔferenaman na, n'u tun ka kan ka sara san 2019 desanburukalo tile 31, olu sarali; ani sefawari miliyari 100 bilali bolokɔro san 2020 juru tataw sarali kama teliya la.
 Dabali 16: Sefawari miliyari 20 keli bilankɔro ye kenyerewew kama, u ka cakeda fitininw ni mankanw, jurudonkesuw, iziniw, ka fara cakedaba dɔw kan, olu ka baara bolodalenw musakako la, koronawirisi kɔlɔlɔ yelenna minnu na.
 Dabali 17: Do boli lenpo sarata hake la kenyerewew cakeda dɔw ka ko dɔw la, koronawirisi kɔlɔlɔ yelenna

minnu na. Nka kerengerennenya la, a kɔlɔlɔ bonyana cakeda minnu kan kosebe; i n'a fo jɛ daamudayɔrɔw, lotoliw, taamako cakedaw, dumunikeyɔrɔbaw, ani seko ni donko cakedaw, walasa mɔgɔw ka baara kana tije o yɔrɔw la.
 Dabali 18: Yelema donni cakeda bɛɛ ka juruko cogoya la, koronawirisi kɔlɔlɔ yelenna minnu na; o la kutilennaw bena di bankiw ma, walasa layidu minnu be Mali cakedaw ni Beseyawo (BCEAO) ce, u ka se k'olu tiime.
 Dabali 19: Lakɔliw datugulen bena to halibi, fo ka koronawirisiko in kuntaafan jɔnjɔn don tuma min na.
 Dabali 20: Yelema donna duguba kɔnɔ suguw, wula kɔnɔ suguw ani mangasabaw dayeleli n'u datuguli waatiw la. O waati dantigelenw bena kofɔ kunnafonisira jelenw fe.

Mɔgɔ caman ma somi kunkolofeere la folo, kasoro a nafa ka bon

An be don min na ce ni muso, denmisen ni maakoro, bɛɛ b'a la ka don bagankunkolow jeninkafeere la. Bamako sugu bɛɛ la, i b'a mɔgɔw soro yen. An b'a men u da, ko baara lankolon te yen, mɔgɔ lankolon de be yen. U be o baara min na, u ka soro y'u wosi ye.
 Nin jumadon in na, an tun be Sanfili batuware (baganfagayoro) dala Bamako komini 2nan kono, ka ce 15 jɔgona soro yen kunkolow nin na. Mɔgɔ dɔw be kunkolow ni senw bila tasuma na k'u jenin, dowerew b'u siw siyen ka bo u la. Sen ni kunkolo jeninbali to tonnen b'u kerefe. Dogoba cinnen don ka sisi duuru fan bɛɛ fe.
 Mamadu Kulubali y'o kunkolow ninaw do ye. A wasilen bedebede ; a si hake be taa san 30 ni ko la. U tun b'a la ka sagakunkolo jeninen do si siyen ka bo a la. A mana do siyen min na a b'o bila tasuma na tuguni. Denmisennin do be k'a deme a ka baara la. O tigi ta ye senjenin ye. Mamadu Kulubali k'ale be nin baara in na kabini san 2000 waati la. U be baw ni sagaw senw n'u kunkolow san batuware la bagantigiw fe, k'u jenin ka feere u sanbaaw ma.
 Mamadu Kulubali be bakurubasanni ke. A ko kunkolo kelen songo b'a ta sefawari d300, d350, walima d400 na. N'ale y'u jenin, a b'a kele-kelen feere d500, walima d600. A ko tɔnɔ bere t'a la; nka a ka fisa sonyani ye. Mɔgɔ werew tun b'a kerefe, minnu be ka sosoli gan u ka kunkolo kunna. O mɔgɔw do ye Mohamedi Sidibe ye, ka bo Nara mara kono. An y'a jininka a ka do fo an ye a ka baara in kan. A k'ale ye kunkolow jeninkafeere soro a mansaw la cen ye. A san 4 ye jinan ye a be baara ke a yere kolo la. A ko a nafa ye i be wari min soro o y'i wosi ye; i ka baara tɔnɔ don. A be denmisennin dɔw fana



ta tilebaara la ka fara a yere kan. N'u tilala feere la a b'olu sara; Sabula k'a baara fanga ka bon mɔgɔ kelen ma.
 Mohamedi Sidibe ka fo la, ale ka sugu ka di sibri ni karidonyaw de fe. A ko sannikela caman b'a bolo Bamako sugu caman na. Nka sen ni kunkolo cayako jugu waati dɔw la, u be wajibiya k'u jeninnen pun ka yaala n'u ye dugu nefe ; sabula n'u ma san tile fila kuntaala kono, u be se ka toli ni firigo t'i bolo. Firigo te mɔgɔ min bolo, firigotigi be kunkolo kelen lamara ka si d50. Nka ni kuran tigera ka waati jan ke su min na, u be bone u ka jagofen na. Fonene waati tijeni de ka dogo. A ko a'je be kunkolo fen o fen tonnen na yan, a caman ye kunun taw ye. A k'ale ye kunkolo 20 san kunun ka 7 doron feere u la, k'a to 13 si firigotigi do fe, a kelen o kelen d10. Kasoro ni sugu ka di, ale be se ka kunkolo 40 feere don kelen na.
 Sekine Sanogo fana ye kunkolofeere la ye o san 3 ye jinan ye. Ale kelen don ka baarakeden duuru ta ka fara a yere kan. U be baara ke k'a damine ntenen na ka se juma ma. Geleya min be kunkolo jeninkafeere la, o ye funteni ye. Kun-

kolow tijeni ka telin o waati de la. Funteni dun fana kuntaala ka jan ni fonene waati ye. Baara bɛɛ n'a geleya don. Ni firigo t'i yere bolo, i ta be son ka ke ka wari jini ka di firigotigiw ma kunkolow lamaliko la sufe. Sarabon ni dogo songo fana ka gelen. Nka o n'a ta bɛɛ u b'u jilaja don o don k'u ka sannikelaw wasa.
 Siriba Jane ye lakolikaramogo ye ; Sekina Sanogo ka sannikela do don. O bora ka kunkolo fila san an jena ka taa. A ko kunkolo ka di daraka la ale ka denbaya ye kosebe; o de koson sanga ni waati bɛɛ la, ale be na sanni na yan. A ko n'ale sera so, a muso b'u tobi don n'a duguje. Siriba ko a san 7 ye jinan ye, ale sannikewo ye yan ye. A ye susu don denmisenninw kono, k'u ka u timinandiya; Sabula ko mɔgɔ b'a dahirime soro baara o baara la, i k'o ke ni wasa ye; o ka fisa ni sonyani ye. Denmisen dɔw be tilen ka yaala u b'u yere fisaya nin baara in keli ma.
 Batuwarida doron te kunkolofeereyoro ye Bamako kono. Dɔw be sigi tenburufeereyoro dala; n'o be wele tubabukan na terezorida. I temeto a bɛɛ be girin i kan k'a ka kunkolow jira i

la. Musa kelen k'a ka mobili jo u kerefe, ce kelen ni muso kelen girinna k'a kunben, k'a jininka n'a be bagan misennin kunkolo ko walima misikunkolo? Muso in ye kunkolo fila korota ka sin a la, ko a kene-kenenin file. Mobilitigi in ka sanni kofe, an y'a jininka. A ko juma wula fe n'ale jiginto sera ka taa so, a be kunkolo san yan, ka ke sibri daraka ye. A ko kunkolonaji ka di ale ye kosebe.
 Cemako ye terezorida feerelikela do ye; a k'olu be u ka senw ni kunkolow san jeninnikelaw bolo, k'u ko ka je ka soro k'u feere mogo werew ma. A ko juma ni sibri sugu de ka di olu bolo kosebe. K'u be kunkolobaw feere d550 ; nka jumadonw ni sibiridonw fe, kunkolo kelen songo b'a ta d500 la ka se d600 ma. Misiden kelen songo b'a ta d300 la ka se d350 ma. Nka k'u be sen misenninw di d250. Cemako k'ale ba de sigiyoro ye nin ye ; nka o korola, ale b'o no na. A ko don dɔw la ale be misikunkolo 30 feere tile kono. Jumadonw ni sibiridon dɔw fe a be kunkolo 50 feere.
 An bora yen k'an kunda Darawela kan Mariyamu Jakite ka kunkolofeereyoro la. Ale lakodonnen be n'o baara ye kosebe. A b'a la a ka ca ni san 30 ye. A ka fo la, a ye fen bɛɛ soro kunkolofeere la ; wa a ko bee y'a yere ye, a ka musaka te mogo were kan. A yere si hake san 70 ni ko la. Mariyamu Jakite denke ye sogofeere la ye ; o be misi minnu faga, ale b'o kunkolow feere. A k'a denmuso mana bo kalanyoro la, o bena a deme feere la. A be ji wuli ka kunkolow bila o la, a denmuso b'u siw siyen. Don o don u be se ka misisen 10 ani kunkolo 5 jenin, ka fara sagakunkolo boro kelen kan.

**Aminata Sindi Sisoko
 Dokala Yusufu Jara**

Goferenaman ka demeni nɔgɔw tɛ ka di cogoya numan na

Fɔlo, kooriseneton n'oo ye Awe (AV) ye, o be dugu minnu na, ni mobili min be taa koorita la yen, o tun be taa ni o Awe ka san kura nɔgɔw ye. Awe jemogow tun be ci lase a baarakɛnɔgonduguw ma, beɛ bena a ka koori hakejininen ta. O la senekelaw tun be u sagola nɔgɔ soro u bolo koro, k'u ka baara kuraw boloda cogoya numan na; sabula nɔgɔ tun be soro sanni ka samiye se. Nka sisan, geleyaba donnen be baara la. Goferenaman ka demeni nɔgɔ tɛ ka di cogoya numan na bilen. Mobiliw lankolon bena Awe ka koori ta ka segin. A ni nɔgɔ tɛ na a bolo tuguni. Wa nɔgɔ tɛ soro ni samiye ma don fo ka jaman. O dama tɛ geleya ye; mobiliw tɛ se Awedugu beɛ la bilen ni nɔgɔw ye. U be nɔgɔw bila

yoro yere minnu na, o caman ka jan; wa u lasoroli man nɔgɔ; sabula kofolonw be dugu caman ni nɔgɔn ce. Awe de be wajibiya ka mobili were luwanse, o ka taa a ka nɔgɔ ta ka na. I b'a soro o nɔgɔ hake fana tɛ Awe ka nɔgɔjininen bo. N'a fora tilema mume ka ban k'a soro nɔgɔw ma se duguw la, fo ni sanji ye nani damine, u be soro ka nɔgɔw donini damine ka taa u bila u sagolayorow la. O ye geleyaba ye koorisene na. Dugu minnu taali ka nɔgɔ u ma samiye fe, u be taa nɔgɔw bila yen. A to be ke Awe kunko ye. Sabula o be laban ka mobili were luwanse ka taa a ka nɔgɔ nɔfe tuma dow la fo km15 walima 20. Koorifere bannen ladiyaliwari min dira Awe ma, o be taa o dafe. Deme be minni? Kininbolo b'a di, numan-

bolo be jan k'a mine. Zuluyekalo tile 23 y'a soro dugu dowma nɔgɔ soro folo Sikaso mara la. Senekelaw mana meen makononi na, a caman be laban ka taa nɔgɔ san julaw bolo da gelen na d3.500; kasoro goferenaman ta be di an ma d2.200. I hali ni goferenaman ka demeni nɔgɔ kera nafen, i be laban k'o ta; sabula u b'a fo k'a juru sebennon b'i togo koro. Ne b'a jini jamana jemogow fe, u k'u tilen senekelaw ye. San 1970 waatiw la fo ka se 1990 ma, duguw tun b'u ka sene kefenw soro joona, kabini feburuyekalo la. Nka kabini an donna wari bolofiladun fanga na san 1992, senekelaw tɛ ka here fosi soro faamaw na. Sene kefenw tɛ soro tuguni; hali ni min sorola, i b'a soro o hake ma dafa.



Yaya Mariko ka bo Senu Medini-Wereda la Bamako

Do farala Kurakakoro ka farigan kan

Mali be geleya min kono bi, o dogolen tɛ mogosi la. Geleya folo ye koronfekele ye. Dugu jeko 10 Malidenw be sukasi la. Koronawirisiko nanen be fara o kan. O ye bana ye, min daminena Siniwajamana na. Mankutu min be koronawirisi kan, o b'a jira ko faantanjamanaw ka bana tɛ; ka da a banabaatow ladonni musaka caya kan. Koronawirisi ye bana yelemata ye. Asorocogo ka ca; wa a yelemani senna ka telin. Kabini bana in kunnafoni menna Mali jemogow fe, u m'a ni sigi dalaje; u tun ye wulikajow ke walasa a kana se ka don jamana kono. Nka a b'i n'a fo bana in kunbenni ka



gelen. A kera an siginogon ye, jamaana jemogow ka fo la. Jamanakuntigi ye laadilikan min

fo, an k'an jilaja k'o matarafa an yerew ka keneya kama. Ne be jamanakuntigi ni minisirijemogosi ani minisiri to be fo u ka cesiri la. K'a jini Ala fe, a ka bana in fiye bo. K'a jesiran bonya a masiba ye. Koronawirisi kunbencogow fora; nka fen min ye sannifere latemeni ye mogow ce, o gerejogonna fegenni ka gelen folo. Wari fana be ka mununmunun mogow ni nɔgɔn ce. Wariko la donbolo de ka ca kosebe an fe yan, ka teme a telefontinaciliw kan. Ala k'an sabu je. Faraban Balo ka bo Fuladugu-Kotuba, Kita mara la

Barazi be ka nafa ladon Soninkeji nakosenenaw kun

K'a damine san 1997 samiye damine na, fo ka se a awirilikaloo banni ma, Soninkeji n'a laminiduguw jiw boliyorow ma se ka ji lamara kodingew kono. Sanjiba nani tora sen na fo san 2007. Kodingew tun be fa fo ka ji walangata ka don malosenyoro beɛ la. Ni sanji nana tile fe, sanni ka dugu je, ji beɛ be taa ka bo forow kono. Kabini Soninkeji barazi jora. san o san feburuyekalo be sa, ka ji to foro taari 5 jogonna kono. An be don min na, ji mana dogoya barazi kono cogo o cogo, i b'a soro k'a ta barazi la ka yelen, ji b'o km2 kuntaala kono tilebinyanfan fe nakow la. A tun fora ko ni barazi jora, foro taari 1.130 be se ka sene; nka an be don min na, barazi in sababu la, foro hake min be se ka sne o ka ca n'o jate folen ye kosebe. Barazi be ka nafa ladon; san 2007 waati y'a soro nakosenenaw be baara ke ni motoponpu 82 ani arozuwari 100 ni ko ye; nka sisan motoponpu 200 ni arozuwari 70 be soro mogow bolo. O be jetaa kofa. Alu Jenfa Jara animateri don Soninkeji, Kati mara la

Sinafow ka donjate kunnafoni folo

Ne nisondiyalen be nin bataki in ci Kibaru la. N bena kuma fen min kan nin sen in na, o ye sinafow ka donjate kecogo ye. Ni dow k'o ma don koroba, walima farankandonw. Farankandon koro ye don minnu b'u dan ma; nka u ni don gansanw be fara nɔgɔn kan ka taama. Tile 6 de be sinafow ka dogokun jate kono. Olu togow file: Cibe, Suma, Toro, Fanma, Sanna, ani Wa. Dugu je o je, a be ben nin tile 6 do la kelen ma. O la ni don min benna ni nin tile 6 do ye, o togo be fara a don togo kan, ka fo ka ke togo kelen ye. Misali la, ni ntenen duguje benna Cibe ma, a be fo Cibe ntenen. Nka o koro tɛ ko ntenen o ntenen ye Cibe ntenen ye. Don minnu ni farafinkalo taamacogo ye kelen ye, misali la ni tubabusan ni farafinsan daminena nɔgɔn fe, farafinsan be foori ka kon tubabusan je ni tile 11 ye. O la n'i ye farafinkalo ni tubabukalo sanga nɔgɔn ma, i b'a soro san o san farafinkalo be kosegin ni tile hake do ye. O koseginni in de b'a to, ni kalo be bo waati do kono, ka don dowere

kono. Misali la, sunkalo be bo tilema kono ka don samiye kono cogo min na, a be bo samiye kono ka don tilema kono o cogo kelen ma. San o san tile 11 danfara min be tubabukalo ni farafinkalo ce, o de be ko kelen kewaatiw falen. Sinafo donw, walima don farataw b'o cogo la. Ale be dafa dogokun kono, ka kon don gansan je ni tile kelen ye cogo min na, o fana de b'a to a be bo don do kono, ka don don weɛ kono. An ko ni cibe benna ntenen ma, a be fo cibe ntenen. Ni cibe min benna ntenen ma, cibe were min be da o kan, o be ben kari ma. Cibe were min be da o kan, o be ben sibiri ma. Cibe were min be da o kan, o be ben juma ma. Cibe were min be da o kan, o be ben alamisa ma. Cibe were min be da o kan, o be ben araba ma. Cibe were min be da o kan, o be ben tarata ma. Nin ye cibe mununmununcogo ye dogokun tile 7 nɔfe. Wa nin ye Sinafow ka donw, walima don farankanw taamacogo ye dogokun kono. Misali tara cibe min kan, ale daminena ni ntenen ye. Wani cibe benna ni ntenen ye, ka bo o ntenen

na ka se ntenen were ma, min be ben ni cibe ye, o furance be ben tile 43 ma. Kasoro dogokun o dogokun, cibe be nako kelen ke. O be cogo min na, Sinafow ka don beɛ be ten. Nin donjate kecogo famuyali be son ka geleya mogow tow bolo; n'o tɛ Sinafow b'u don i n'a fo u tege ci. Daramani Sise ka bo Nogolaso, Sanzana komini na Kijan Sikaso Senekela man kan k'a balo san julaw fe **K**otuba koorisene be bolo min kan bi, o ye tonko ye. Ni mogow min donna a kooriseneton na, koori seneni be wajibiya i kan. Mogow tɛ se ka mogow bila koorisene na, k'a soro i yere t'a baara kebaa ye. Nin ye ko kura ye Kotuba kooriseneko la. Ne koni be min jini Kotuba komini mogow fe, u k'u janto, u kana kooriforow bonya ni nɔforow ye. Ni kooriforo bonyana ni nɔforo ye, balokogeleya be don komini kono. Koori senekun ye wariko ye. Ni balo tɛ du kono, kooriwari tɛ du ka balo santa hake beɛ soro. Sabula balodese waati b'a soro suman da gleyara. Kooriwari dun tɛ soro senekelaw dungowaati la. Fo koorisenenaw k'u hakili to nin yoro la. An kana nɔgɔn negen, senekela t'a balo soro suman san ka dun na. Faraban Balo ka bo Fuladugu-Kotuba, Kita mara la

Kalankene : Kurukanfuga sariyasen 44

I. HADAMADENKULU
Sariyasen fɔlo : Mandenjamana jamakulu tilalen be nin cogo in na :

- Ton ni kala tabaga mogo tan ni wɔɔɔ (16) ;
- Masarenbonda ye naani ye (4) ;
- Moribonda ye duuru ye (5) ;
- Daara ye naani (4) ye ;
- Ani jonkulu kelen (1).

Kulu be n'a joyoro n'a ka baara kerenkennen.

Sariyasen 2 nan : A diyagoyara jamakalaw kan, u ka tije fo masakew ye, ka ke u laadibaga jonjonw ye, ka baara ke ni hakili ye walasa sariya talenw ka labato ani ka basigi sabati Mandenjamana kono.

Sariyasen 3 nan : Moribondaw y'an karamogow n'a ladamubagaw ye. Bee lajelen ka kan k'u bonya, k'u makoto.

Sariyasen 4 nan : Manden mogow tilalen befilankuluw (serekuluw/karew) ye. Filankulu be n'a jemogo. Sansabakonodenw, olu be be filankulu kelen na.

Filankulu minnu be denmisenninw ni mogokorobaw ce, olu sen ka kan ka don dugu kolatigeli bee la.

Sariyasen 5 nan :Walasa yiriwali ka sabati, benkan tara ka salaya ni mogofemogoya kele Mandenjamana kono.

Sariyasen 6 nan :Sinankunya ni tanamanogonya donna mandenkaw ni jogon ce. Kele man kan ka don cogo si la olu ni jogon ce, tulon ni yeke ko. Nimogomusow ni nimogokew. mokew, momusow n'u modenw, jogonladiya ni tulon dagara olu ni jogon ce.

Sariyasen 7 nan : Keyitaw ka kabila sugandira ka ke Manden masayabonda ye, ka Makan Sunjata sigi Manden kurufaba kunna.

II. KO DAGALENW ANI KETAW

Sariyasen 8 nan :Manden kono, hadamaden Ni n'a farikolo lakananen don sariya fe.Taakasegin jamana kono ani k'i diyanyebaara ke, o dagalen be mandenkaw ye.

Sariyasen 9 nan : Den ye forobafen ye. K'ajogodon o ye bee kunko ye.

Sariyasen 10nan :An ka sangafodon an ni jogon ce. A te su lawuli nka a b'an tin don jogon na.

Sariyasen 11 nan : N'i ka maramogo, i muso walima i den bolila i je ka taa a kalifa i sigijogon do ka so, kana boli a nefe ka don yen.

Sariyasen 12 nan : Masaya be fakunda. Aw kana masaya di den ma ka fa kelen balolen to. Aw kana fanga di dennin ma ko nafolo b'a bolo.

Sariyasen 13 nan : Aw kana bila gaaraw la.

Sariyasen 14 nan : Aw kana bila musow la, an naw don.

Sariyasen 15 nan : Aw kana muso furulen gosi kasoro aw ma kangarimada caman ke a furuce ye.

Sariyasen 16 nan : Musow, ka da u ka celasigibaara caya n'a nafa kan, u sen ka don an ka forobabaara bee la.

Sariyasen 17 nan : Nkalon minnu mana san bi naani (40) soré, u be ke tije ye.

Sariyasen 18 nan : An ka koromanogonya bonya.

Sariyasen 19nan : Buran fila de bemogo la : mogo min y'i je a den na furu sira kan ani i mana kuma min fo kasoro i ma siri, i ma gosi, i te kaso la. Olu ni bonyaka kan.

Sariyasen 20 nan :Ka mandenka feere jonya la, o konna. Dukonjon kana jankata. I ta ye jon ye, i ta t'a kerelabore ye.

Sariyasen 21 nan :An k'an yere tanga muso woro ma : sigijogon muso, denjogon muso, jatigi muso, masake muso, somake muso ani morike muso.

Sariyasen 22 nan : Kafa ye mogoninya ye, yeremajigin ye mogobaya ye.

Sariyasen 23 nan : Aw kana jogon janfa tugun. An k'an kumakan bonya.

Sariyasen 24 nan : Ban ka fisa janfa ye, sayaka fisa malo ye.

Sariyasen 25 nan : Nabaga kana lakasi Manden.

Sariyasen 26 nan :Ko te eiden na Manden.

Sariyasen 27 nan : Bilankanntura kana ke weretigi ye.

Sariyasen 28 nan : Npogotigi be se ka di ce ma n'a balikuyara, siko t'o la. Musojinina caya o caya, masaw sagolamogo be sugandi.

Denke min mana san mugan soro, o be se ka furu ke.

Sariyasen 29 nan : A jirala ko hadamadenya ni ye furu ye. Furunafolo ye misi saba ye. Denmuso ta ye kelen ye, ba ta ye kelen ye, fa ta ye kelen ye.

Sariyasen 30 nan : Furu be se ka sa ko saba la Manden :

Ni ceka caya ma dafa.

Ni fa donna ce la walima muso la. Ni ce desera a muso koro.

Furu ka kan ka sa so kakan, a man kan ka sa so kono.

Sariyasen 31 nan : An ka hine desebagatow la.

Sariyasen 32 nan : An ka badenya, furujogonya ni sigijogonya bonya.

Sariyasen 33nan : Ce be ce faga, ce te ce malo.

Sariyasen 34 nan : Lajebaw kenen kan, bee k'i wasadon i jemogo la.

III. SOROFENW

Sariyasen 35nan : Sorofen sorocogo duuru dagalen don : k'a soro sanni na, nina na, falenni na, baara la, ani ciyen na.

Fen sorocogo were ma daga ni seere jonjon t'a la.

Sariyasen 36nan :Fen tomonen te ke jama ta ye fo san naani mana teme.

Sariyasen 37 nan : Kalifamisi den naaninan ye misi lamarala ta ye. Sisefan naani o naani, siselamarala ta ye sisefan kelen ye.

Sariyasen 38 nan : Falen sira kan, misi kelen saga naani, n'o te ba naani.

Sariyasen 39 nan : Kongo furakeli jiriforo la, o te sonyali ye, n'i ma do bila i ka bore kono walima i jufa la.

IV. DUGUKOLO N'A KANFENW

Sariyasen 40 nan : An garijege folo ye kungo n'a konofenw ye. O la, u lakanani ye bee kunko ye.

Sariyasen 41 nan : Sanni i ka donkungo la, i kana dugukolo laje, i je yelen sanfe ka jiriw kolosi ni den ma

ke u la walima feere.

Sariyasen 42 nan : K'a danbo sise, tonkono, jaguma, ani wuluw la, sokonobagan bee ka kan ka siri samiye fe, k'u foni tilema.

V. LABEN LABANW

Sariyasen 43nan :Balafascke Kuyate kera Manden kolabenna ni laadaw kunnasigibaga ye. A kera Manden

kumabafola ani kumajugufola ye.

A sinankun ye mandenka bee ye, bolofa be masarenw ta kan.

Sariyasen 44 nan : Sariya ninu konogen kalifalen be bee la Mandenjamana kan. Min mana u tije ko be laton o la.

Siriman Kuyate Mahamadu Kanta

Poyi: Koronawirisi



Ani farafinjamanaw.

I ye dije dogotorobaw faga , ka dogotoroba dow tige u ka donni na,

Dije mogo bee be kule la i bolo ,

Dije n'a fajama, mogo si kelen ma se ka i nacogo jefo ,

Ee korona, i kera sababu ye mogo te se ka tiso mogo kerefe,

Mogow t' u tege di jogon ma tun,

Kuma te sogosogo ni jogon sumu- sumu ma,

Dije maaw donyoro banna k'o sababu ke i ye

I kera sababu ye ka mogow wajibi k' u bila tegeko banbali la safune ni zeli la, ani ka bee ke dabaraje ye k'a sababu ke nunnamasiki donni ye,

Jamana dow la, kenemaboli kera haramu ye ni sariyaseben t'i bolo,

Jamanaw dancaw datugura k' a sababu ke e koronawirisi ye ,

Dunankan be fan bee

An b'a ke di ? An b'a fo di?

An b'i jininka i ye jon ye?

Koronawirisi , korona i be mun ko?

I be mun jini?

Koronawirisi , korona i ye fagataw faga, dow dalen don i bolo,

wa kenemanw fana sirannen don i je,

Korona, falatow ni jigintaw cayara,

I daminena Siniwajamana na nka an te i labanyorodon de!

Kotimi Danbele baaradegela don ka bo AMALAN na

Maakorobaro:Wagadu fanga saraka

Jamana bee n'a ka laadaw don. Soninkejamana fanga tun be saraka ni Kunbi npogotigi bee la cepumannin ye. O npogotigi tun be di saba do ma ko Wagadu-Bida, dugu dasiri.

Nin san saraka togo tun ye Siya ye, Amadu Sefedokote maminemusow. Siya didon Wagadu-Bida ma, o nana se. Siya mamineke y'i dogo jiri do kofe.

Waati folen sera tuma min, sa belebeleba bore kuluwo kono.

Amadu girinn'a kan, k'a kuntige n'a ka npanmuru ye, murudape kelen. Sa kunkolo ye file fiye fiye fe ka taa bin Bure dugukolo kan.

Kunkolo filanan falenna saba in na, mamineke y'o fana tige, ka sabanan ni naaninan, duuranan, wooronan, ka wolonwulanan falen. Amadu y'u bee tige kasoro ka Siya ta ka taa a ka so kan.

Ko Wagadu-Bida kunkolow binna yoro o yoro, Bure, Banbugu ani Faleme, olu bee kera sanudugukolow ye.



Cikanw :

1. Kumasen saba seben Wagadu fanga saraka kan.

2. Dajew koro fo : saraka, dasiri, mamineke.

3. Nunnafoli min be « fanga » ni « npogotigi » kono u togo fo..

4. Dajew siya fo : bee (npogotigi bee), tun (tun be di), fiye (file fiye), kasoro.

5. Hakelan saba ta masalabolo kono, i k'u siya fo kelen-kelen.

Finebana Koronawirisi donna Mali kono



Dakun I : Keneyako ni kunnafoniko siratige la Marisikalalo temenen in, finebana koronawirisi, n'a be wele fana Kowidi 19 ye mogo minnu mine dije kono, o hake sera 700 000 ma. Olu la, mogo 35 000 sara. Dije tonbaw ka fo la, geleya in to be ko halibi, Ala k'an ta ke a la la here ye.

Lamerikenjamana min be dije jamana yiriwalenw ten kan bi, o peresidan y'a jira, k'ale ka jamana mogo sabagato hake be se ka yelen ka se mogo 200 000 ma, taalen pe, kasoro bi a ka jamana mogo salen koronawirisi fe, o hake be mogo 3 000 la. A ka o kuma in b'a jira ko finebana in to be ko halibi, wa an ka kan k'an kolosi, k'an yere tanga kosebe.

Dije bee da benna a kan ko Afiriki jamanaw fanga ka dogo ka teme dije jamana tow fanga kan finebana in kumbenni n'a keleli la, minenko siratige la, furakeli kecogo numan na ani nafoloko la, k'a sababu ke Afiriki ka faantanya ye. Mali dun be faantanjamanaw dugumana na. O bolen ko yen, koronawirisi nana geleyaba dow soro anw fe yan, n'olu ye koronfekele ni lakana sabatibaliya ye, fura jonjon ma soro olu la folo. Fen min ma jamanabaw to, fen min ye dankari jamanabaw la, Mali ka kan ka mun ke sisan o keleli siratige la ? Nin ye pininkali ye, an ben'a laje ka min jaabi hakilijagabo saba kono. Nin hakilijagabo folo in kono, masala be boli keneyako ani kunnafoniko kan koronawirisi keleli la.

Kunnafonifalenfalen ni kunnafonidi jyororo ka bon kosebe keneya sabatili la walasa jamanadenw ka se ka wulikajow ke, ka jamana nemogow deme ka geleyaw wuli. Kunnafonifalenfalen ni kunnafonidi ka kan ka ke sababu ye tije ka da kene kan, ko bee lajelen ka ke jelenya la walasa ka dannaya sabati nemogow ni komogow ce. Suyalako te, bana in ka kan ka pefo a ne ma jmanadenw ye, u k'a faamuya munna an ka jamana kono, koronawirisi ka mogo mineta an'a ka mogo fagata hake ka dogo nin y'a kalo kelen ye kasoro a be ka hadamadenw halaki dije yoro caman. O ka kan ka pefo jamanadenw ye dogotorodonna sira kan u k'a faamuya. Yala, a sababu ye segesegeli fanga dogoyali de ye an ka jamana kono wa walima sababu werew b'a la ? Tile farinyako jugu ani funteni bonyako, olu de no don

wa ? Tari, anw farilake de be k'an kisi balawu in masibaw ma ? Kunnafoni sahalenw ani kunnafoni dicogo numan malidenw ma banako in kan don o don, o kan ka sabati. Segesegeli hake minnu kera, jaabi minnu sorola, somi kera mogo hake minnu fe, minnu nemadogora k'u mabo kenebaatow la, o kunnafoni bee ka kan ka lase jama ma. Ka jantonyerela sebekoro fo k'a geleya jamanadenw kan, u k'a don a ko ka jugu ka se hake min ma. O b'u kisi nkalonw ma minnu bolen be tije fe. O b'u kisi hakiliwuli ni kunfekow ma, minnu te laban fosi la ni tipeni ni nimisa te.

Kunnafonidi ni kunnafonifalenfalen feerew ka kan ka waleya bana in kan keneya tigilamogow fe nka u ka kan ka lase fana mogow fe minnu ka baara ye kunnafonidi ye tigi-tigi arajow, kunnafonisebenw ani jabaraniw, telefoniw ni entereneti kan.

N'an dalen b'a la ko bana in ka gelen, a ka jugu, a yelema ka teli, a jensen ka teli, wa a be se ka dankari an ka jamana na, fo feerew ka tige k'a furakeli kebagaw laben, k'u kolosi walasa u keto ka mogo tow kisi, u fana ka kisi. Do ka kan ka fara u hake kan (dogotoro minnu taara segennabo la, k'olu wele, dogotoro kalandenw, k'olu sendon bana in keleli la...). Deme ka kan ka kologirinya ka jesin dogotorow ma, minnu be koronawirisi keleli la su ni tile. An ka kan fana ka wele bila joona kokanmalidenw ma, u ka demedon faso ma nin waati gelen ninna walasa ka keneya tigilamogow ka baara sinsin. Waleya ni hakilila kerenkerennen fen

o fen ka kan ka sigi senkan walasa ka do fara keneya sabatilinafolo hake kan, o man kan ka bila ka suma. Kenyerewew ka sorofenw be se ka nini k'u don baaraw dafe, ka jamana kelebolow ka sekow don jate la bana in keleli kama, jamanadenw ka demew sen b'o la, minnu kafoli ka kan ka ke sariya kono, walasa makopafen bee ka soro jamana ni keneya tigilamogow bolo, ka bana in jolow kari.

Feere tigelenw kolomayoro ka kan ka ke banakisetow segesegeli ye joona ye, k'u nini k'u don. O feere in de y'a to ni Koredisidi ni Sengapuri jamana sera ka koronawirisi fanga dogoya u ka jamanaw kono. Hadamadenw segesegeli joona, ka banakisetow latomo joona sanni u ka banakise bila mogo tow la, o feere ka kan ka don ba la an ka jamana kono. Banakisetow mana latomo an'u ni mogo minnu dorogora k'olu fana lakodon, k'u nemadogo, o be ke sababu ye ka koronawirisi jensenni bali. Segesegeliw ka kan ka boloda, k'u kuntilemma ke jamanaden 10% segesegeli ye kerenkerennyanya la yoro la bana in ka jugu minnu kono, i n'a fo Bamako. Awirilikalalo la, mogo 50 000 be se ka segesegeli ; mekalo la, ka mogo 400 000 segesegeli ; zuwenkalo, mogo 800 000 ; utikalalo, la mogo 1 000 000. Mali be se k'a terijamanaw ka deme nini o baara in na.

Mali ka kan ka nafoloba boloda kabini sisan ka banakisetow ni banabagatow kafoyoro kerenkerennenw lakodon ani k'u laben. O yoro labennen kelen ka kan sigi senkan an ka jamana marabolo bee kono. Labenw ka kan ka

sabati ka burusikonodogotorosow jo teliya, ka banabagatodalan kerenkerennenw dilan ninakililimansin be minnu na, ka deme nini fan bee o dabali ninnu waleyali kama.

Aka kan, niwakiniji hidorokisilama bilankoroba ka sigi senkan joona bawo hali n'o y'a soro o fura in ma lakodon folo dije donnikelaba bee fe, a koni be ka makope jamana caman kono, i n'a fo Maroku jamana, ka koronawirisi banabagato caman furake. An be don min na i ko bi, fura jonjon ma soro folo dije bee bennen be min kan, nka furakeli koni be ka ke ni niwakiniji hidorokisilama in ye. Wulitumadon ka fisa ni nsenkadi ye. Hali n'o y'a soro bana in ma damateme an fe yan folo, a ka pi, an k'a jatemine k'a be se ka walankata, Ala k'a kisi o ma. O la, fo feerew ka tige, ka demew nini, k'an sendon fankelenfejamanaw ani dije jamanaw ka wulikajow la koronawirisi keleli la. An ka kenyerewew ani dije furadilansobaw, ka feerew tige, olu ka se k'u sendon an fe bana in keleli la.

Geleya mana don keneyako la jamana kono, wulijoona y'o fura ye. An ka kan ka kon ka min ke, o ye tije foli ye jamanaden ye, k'a terejuguyafu, walasa bana ka tipeni, a taabolo, a sorocogo, a kumbennifeere an'a furakecogow, olu ka don jamanadenw fe. Jamana nemogow ka kan k'u ka ketaw ke ka se a dan na, jamanadenw bilasirali n'u demeni na, walasa bee lajelen ka se k'a jyororo fa a ne ma.

Musa Mara
Mahamadu Kanta

Kabako 10 be se ka mogo soro n'i ye dugukolo bila ka yelema sankolo la

Ka yelema sankolo la, o kera hadamadenw haminankoba ye bi. O de la kabini san 1961waati la, Yuri Gagarini ka bo Irisijamana na, o kera mogo folo ye dije kono ka taa sankolo la. Kabini o kera, dijnema girinna sankololataa kan; nka mogow k'a don, ko kabako 10 jogonna be yen, minnu be mogo soro n'i ye dugukolo bila ka yelema sankolo la.

1. Sankolo la santimetre 5 be fara mogo kundama kan: Kabini i mana se sankolo la, i kokolo be masono dounin-dounin. Kemesarada la 3 be se ka fara i farikolo bonya fana hake kan. Nka n'i koseginna dugukolo kan, i farikolo be segin ka ke a cogoya koro hake ye.
2. I peji te woyo: Pankurun min dilannen don kabakololataa kama, ji te woyo o kono. Ji be ke kurukuruninw ye o kono. peji b'o cogo la. Hali n'i peji bora, a te woyo. A dulon-dulonnen be to pekoro la.
3. Sentege golo be wuli ka bo a la a yere ma: Sankolo la mogo te samara bo i sen na ka taama. N'i b'o ke, kalo 2 fo 3 kuntaala kono, i sentege

fu be wuli-wuli n'a yere ye.

4. Sanga 90 o sanga 90 tile be bo : Pankurun min be taa kabakolo la, o be km28.000 boli lere o lere, ka dugukolo mununmunun sipe 16 lere 24 kono. U b'u to yen ka tile boto ye sanga 90 o sanga 90. O de la u caman be sunogofuraw ta yen walasa ka se ka sunogo o suko n'a dugujeko caman kono.
5. Mogo te keneya soro sankolo la: Sanni mogo ka tile fila walima saba soro sankolo la, i be sebekoro bana ; sabula farikolo ma deli yen na. U be fen minnu ye an'u tulo be mankan minnu men, olu ka jugu u ma. Foononege be dow mine, dow be foono, dow fana be tunun sanfe, u te taafan ni seginfan do tuguni.
6. I be se k'i tulongke jikuruw la: Sankolo la i n'a fo pankurun kono, ji kurukurulama don, fo a' b'u mine ka fili-fili jogon ma. U b'i n'a fo baloninw. N'i y'a mine k'a fili, a mana tu fen min na, a be pan ka segin.
7. Kogo ni puwanfuru jilama don: Sankolo la kogo ni puwanfuru de be ke jikuru misenninw ye. N'i ko i b'u k'i ka dumuni na yen, u be

to pan-panni na sanni u ka dumuni soro. Fo dow b'a pini ka don i nun kono i ninakilifipe fe. Jikuru ninnu be taa tuntun pankurun fipendonw fana na k'o geren.

8. Mogo te goronto kosebe sankolo la: Konepinicakeda min be Lamerikenjamana na, o ye nepinini ke sankololataalaw ninakilicogo kan dugukolo kan ani sankolo la u sunogolen. A kolosira ko sankolo la, u sunogokan te men. O la dugukolo kan, fiye fanga de be mogo nen n'a nkonno bisi kosebe, k'a ke i n'a fo ninakilifipe ka tige i la. O de la i be goronto.
9. Sankolo la mogo dusukun be ton: Sankolo la mogo dusukun be ton kemesarada la ka 10 bo a bonya hake la. O de la mogo te lafiya soro i dusukun na k'i to sankolo la.
10. Mogo te soda min sankolo la: N'i be sankolo la, i man kan ka soda min ; sabula a gazi te bo. O be to a ji kono. Kasoro n'i be dugukolo kan, kabini i mana soda dayele, a gazi be bo. Wa soda jilama te sankolo la; a kangalama de don yen.

Madiba Keyita
Dokala Yusufu Jara

Denmuso bilasiralikan a denfa fe, a taato a cela la




Bi ma furu bila dije kono hadamadenw ni jagon ce. Beledugu kono, ni denmuso fura tun cira fobonda fe, a ka celataa tun ye samiyedonda ye. Furuce n'a terike fila de bena muso kunben a faso la. U be soli ka don dugu kono. U koseginwaati n'u muso ye, o be tali ke muso faso n'a celadugu ce janya cogoya la. Denfa ye musomannin walima cemannin wolofa balmake do ye. A be se ka ke a fa koroke, walima o dogoke do ye du kono, walima kabila kono. Denba ye denfa furumuso ye. Beledugu kono denfa ni denba ye furujagonmaw ye. Musoben tun be ke sen na waati min na, walima sow ni falaw la, musobennaw tun mana darakaw dun, u tun b sira pini. Nka bolifenko daminnen, musobanna caman b bo laansara temenen, sanni ka fitiri se. Musomannin duuru fo tan ni ko fura tun be se ka ci jagon fe; wa o bee be taa u celaw la don kelen na. Min kunbenbaaw mana na, olu taato be bilasira ni kan ye. Celataaw don kofolen na, kabini darakaw mana dun furukorofokelaw be bulon magen. Ni musomannin fura cilen cayara san min na, a be k'i n'a fo u ka tilen bulon kono musobennaw bisimilali la. Mogo minnu ye denfaw ye, maakorow tun b'u fela bee don olu da, sanni ka taawaatiw se. Musobenna min bowaat mana surunya, olu be maakorow segere bulon kono. O waati kelen na denbaw b'u denlabn ka na n'a ye bulonda la. O don ye filliko ye dugu kono. Yamaruya be mogo bee bolo ka na bulonda la ka korofow lamem. Denba n'a denmuso be don bulon kono ka furuce n'a terke soro yen. U b'u jangirin dugutigi koro. Jama be dugawu k'u ye. Dugawudon mana ban, dugutigi be muso bolo mine ka di a denfa ma furubulon kono, a ka taa a bila sira. A b'a bila a je u be bo bulon kono jama be ce u ko, fo dugu boda la. U b'u jo yen. Enfa be soro k'a denmuso tege mine, ka laadilkanw di a ma bilasilikejama cema. A b'a fo ko: "N denmuso kaarisa, i taato file nin ye a penamaya keyoro kura la. O yoro kura in na, an minnu y'i faw ye, i baw, i balimamusow ani balimakew si joyoro t'o la. I bena taa ke ce do jepogon

ye, min b'i bakuruba fe, i te se ka min tila hali i ni mogo were ce. Ke a ye furumuso ani bangebaa musoman ye. A to a k'a don i la k'i ye fen bee y'a bolo a ka penamaya kono. I k'i hakili to a la, ko ce b'i n'a fo denmisennin. Kumakan duman kelen b'a wasa. A kana a ta i je kan, k'a kera sababu ye k'i tige ka bo i faso la n'a ka furu ye. A fana be miiri o de la, Sabula a fana be se k'a ka du bila e de kama. Nka a' danfara ye min ye, e ye muso ye, ale ye ce ye. Muso faso penafin b'a mine. A bangerayen, ka mo yen, ka ladamu yen. Nka o n'a ta bee, i yere deli i celala la, i k'i yere deli o penamaya kecogo la n'i ce ye, min kera i furuce ye, an'i denw fa ye. N denmuso kaarisa, i ka penamaya kura file, i bi file, i sini file. I faw n'i baw bila i ka kunun kono. N t'a fo i ka pine u ko; Sabula u yee tena pine i ko abada. N koni be min pini i fe, k'i ce fe, ka balo a ye, ka nisondiya a koro. N denmuso kaarisa, i hakili to nin na: Tije don muso hakilimaw ye nin laadilkanw faamuyabaaw ye. Sigi konona na gundo te ban muso n'a ce ce. Kana son ka k'o gundow barotobaa ye, u ka dan a' ni jagon ce. I ka furu konoko dow be yen, olu t'i fasolamogow je sira la, u t'i teriw je sia la, u te mogo were si je sira la. I jilaja cogo bee la, i kana i ce gundow da lefe kan k'u yaala, ka mogow tige a la o kama, fo ka maloya se e yere ma tuguni. O la i ce bonya, k'a mako to, k'a sankorota. N'i kera i ce sankorotabaa ye, furuso geleya mana ke cogo o cogo la, i fana bena se k'a kuyoro soro. Mogow be soro yen minnu ka geleya ka jugu n'aw ta ye. O la i jilaja i kana k'i ka furuso ta yaalabaa ye. A mana gan ka dan teme i be se k'i sara laadibaa puman na, o k'i hakili fara jagon kan. Nka i k'a don ko kunkolo kalifayoro caman, i laban be son k'a di a cibaa ma. Kana i kunfo mogo bee ye. N'o te u mana ke sabau ye k'i furu sa ka bo i ce kun, don bilen janya i ta be son ka ke nimisa ye. Ala k'an yoro janya ka bo o ma. Kanu be yoro o yoro la, sitaane belennen be soro a dafe. Hali a te yoro jan na. N denmuso sitaane te

yoro jan na koyi. Muso mupunnen b'a celaso jo; nka mupunbali b'a bee dafiri n'a bolo fila ye. N denmuso kaarisa, kan min donna ne da bulon kono, ko n ka o fo I ye, o ye nin ye. Ala ka se n'i puman ye. Ala ka here ke aw ye". O b'a soro ce n'a erke jolen b'u kefe. Terike b'a numanbolo jan, denfa be muso bolo da tege k'a wuli sije saba. A kelen o kelen, a b'a fo ko n y'a di ma ni barika ye. Terike b'a lamine ko n y'a mine ni barika ye. A sabanan, a b'a denmuso bolo bila, k'a kodon ka segin bulon kono. O yoro la kasikan te ke fosi ye muso dogoninw an'a ba tow fe bilasiraliyoro la; Muso balimake do b'a yelen a ce terike

kofe bilifen kan, u be sira mine n'u muso kasibaato ye, bilasiralikela tow fana b'u kosegin dugu kono ni kasi to ye. Muso be taa samiye ke a cela la; ni fo bora u be segin ka na a bila a faso la. Tilema to be ke celataaminennini na. Samiyedonda fe, o minen sorolenw be siri ka da musobilalaw kun, u ka taa den bila a cela la. A be fo o ma ko minenbila. O ye celasigi damineto ye muso fe. An ka je ka dugawu ke; minenbila be ke cogo min na, ni Ala ma baasi ke, an da be son ka se o ma lamembaaw ye. A be se ka ke muso tun be jini cogo min na, ani furaci tun be ke cogo min na, an be do fo o fana na. **Dakala Yusufu Jara**


Mogow k'u janto u yere la kulorokini tali kolololoko la



Kabini Dogotoro Didiye Arawulu y'a jira ko kulorokini ka fisa koronawisi furakeli la, Afiriki jamana mogo bee b'a la ka girin a kan. Ale ye bana ani banakiseko donbaa nana ye Faransi. Sumayabana kelesan koro ye kulorokini ye; nka a tun foosira ka bo Mali furaw la san 2006 waati la. A tun te ta tuguni. Tuma min na fura in joyoro yera koronawisi furakeli la, jama sebekoro girinnen be faramansinw kan a nofe bi. Dow yere be taa a san ten k'a soro hali furanseseben t'u bolo ; dogotoro si m'u laje k'a sanni yamaruya u ye. U bee dalakan ye, k'a fora ko kulorokini ye koronawisi fura ye. O kuma be se ka ke tije walima nkalon ye, n'a ma korobo. Dije tonba Oni bolofara min pesinnen be keneyako ma, n'o ye Omesi (OMS) ye, o ma yamaruya di folo, ko kulorokini ye koronawisi fura ye. Nka an be don min na, mogo be jore ni fen ye, o de ye mogow ka yere furakecogo ye, k'a sababu ke bana in nesiranje ye. Dogotorow ni faramansintigiw be jore la n'o waleya in ye. Walasa ka faamuyako puman soro a la, an sera Dogotoro Keyita Sina Mayiga ma ; lopitali Ponze faramansinfurafeerela don Bamako, k'a jininka. A fora ko koronawirisi be mogo minnu na, o dow be ka furake yen. Ale y'a jira ko kulorokini ye fura suguya min ye, a man kan ka pagami fura were senkoro. Sabula ko bipedimi, komakilidimi, walima mogo minnu pemaanin b'u dimi, olu man kan ka kulorokini ta. A ka jugu o

tigilamogow ma kosebe. A be se k'u naalo ta, ka foononege bila u la, walima foono yere, a be se k'u fari kuru-kuru, fo ka se dow je da goyali ma ; a be dow fana tulo da goya. Mogo o mogo mana kulorokini kise 20 ta, a be dusukun yereyere bila i la. Kulorokini be mogo faga yere. O de la ale tali k'a soro dogotoro m'i laje k'a tali yamaruya i ye, o ye baasiba ye keneyako la. Kulorokini tun te feere Mali kono tuguni, o be san damado bo. Fura minnu man kan ka feere ni furanseseben te, a bolo la. N'i y'a ta, a jensenni farikolo nefe o ka telin ; wa a ka firikolo psoni o fana ye yoronin kelen ye. Sumayabana fura duman don. O de la fura min don, a ban ka telin faramansinw na. Madamu Keyita Sina Mayiga ka fo la, koronawisi kunbenni feere puman ye saniyawalew matarafali ye ; ka da a kan bana in yera mogo dow la Mali kono. O la bolo be maga fen o fen na so kono ani bararakeyoro la, a puman ye ka to k'olu josi ka bolonogo bo u la ; ka to ka tegew ko ni ji ni safune ye sanga ni waati bee la ; ka zeli k'i tegew la k'u tereke jagon na ; ka furance don a' ni jagon ce ko bee la ; n'i be tiso, walima ka sogosogo, i bo k'i nongon kono walima musuware kono ; k'i sennasagon i kana taa yoro bee la ; ka taa i yere laje dogotoroso la n'i ye farigan, sogosogo, kankononannje, fasadimiw, konoboli ani ninakilidegun kolosi i yere la. **Berehima Dunbiya Dakala Yusufu Jara**

Koronawirisi keleli wulukajow be sen na Mali kono



1. Koronawirisi ye hadamadenw garijege ye

Koronawirisi kelen be dipedabenbana ye. A be ka yelema don hadamadenw dabolo la, ka yelema don an ka nafoloko cogoya la, ka duguba caman ke i n'a fo mogow t'u kono. Setigi fara sentan kan, bee ta ye dusukasi dan ye. Ko fosi selen te ka sira da bana in je k'a lajo folo. An ka marifa kalasinikonfu selen te, an ka sarikonbaw selen te, an ka bonbuw selen te, an ka kelemenendoni pankurunw selen te, kuma t'an ka dijekurubamisiliw ma. Ni ninu joyoro ka bon hadamadenya dajili la, u koni joda fosi te koronawirisi keleli la folo. An ka nafoloninw dun, joyoro b'olu la a ko la wa? Mogow b'u kunda dogotorsoba minnu kan jamana kakan hali u ka kunkolodimi misenninw furakeliko la, mogow te yen lasoro tuguni. An bee file nimisa kono. N'an tun y'a don, wariba minnu tinena kakanfurakeliw la, olu tun be se ka ke ka dogotorsoba penamaw jo jamana kono, ka baarakeminen nafamaw ani fura pumanw san ka bila u kono. Nka an ka pengoyako jugu an'an yere pena ko fanga b'an kaman koro, o kololo do file an garijegeli ye koronawirisi la. Koronawirisi farigan ji ka kunan, musaka caman be taa a furakeli an'a banabaato ladonni dafe. K'a ke an pena k'an be se ko bee la dije kono; a b'o nkalontigiya. A be se ka ke an kewale juguw kololo de seginna an ma, k'an ka keneyako don nkalama na. An y'an kurukuru k'an karakara ka dese; o dese jaabi de bora, bee y'a ye.

Dije fan bee fe, kungoda y'a fari koro soro. Kabakolo seginna ka ke bula ye an sigidaw kunna. Fije puman sorola ka saman. Gazi

jugu minnu be soro an ka iziniw n'an ka mobiliw ani an ka pankurunw moteiw fe, o sensenna ka bo a la.

Yala yoro cogoya laseginna a yere ma wa? I b'a soro. Nka min ye tipe ye, cikan ka kere, wa bee y'a men. Sabula koronawirisi kololo yelennen be soro la ka se hake min ma, soro kannabilali bena se soro; nka a b'a yere jininka, sisan soroko be dankan min na, n'o bena se ka sira puman ta, walasa a ka se ka meen si ia. Nisongoyajiralaw ka wulikajobaw n'u ta bee yelema puman donni na hadamadenya taabolo la dije kono, mogow be yen, minnu y'u tulo ke tetewu. Hali donnikelaw ye yeresagoke kololo minnu kofon an ka penamaya kecogo kan, u m'u tulo don olu fana na. An boli dabolo jugu kono ka don dabolo puman kono, o sennasumayanen don.

A be se ka fo ko mogow kewale jugu ka pesin sigida n'a lamin ma, soro kaniabilali kecogo jugu te se k'a yere bo o la; kuma te an dara min kama dugukolo kan. A hami ye "halibi, ani tuma bee, soro". Kunnafoniso janjigi minnu y'a jigi ye, an tulo te ka bu da a mankutukan fe olu bolo. Sabula olu fe, temecogo si te mogow la, ni soro kannabilali te. U b'u je teme a makosayorow kan sigida n'a lamini na ani bonogonawalew la. Sanga ni waati bee la bonogonawalew de bena ni dangonwalew ye. A be fanga di mogow minnu ma u ka jamanaw kunna, olu de b'a nafa makaran hali n'u ni be to o dafe. O be dabo min kama, o donnen don. Mogow o mogow mana murutili fari da, u k'o jolo kari. Nka u joda te dijekelē la. Ni dije k'a b'i kele, a be tufaanajiw jigin i kan, ka ja

kuntaala janw jigin i kan, ka fije kolonbaw suuru i kan, ani ka dije laban bana juguw kunda i kan. O bana jugu do ye koronawirisi ye. Soro dantemeke bena ni kungokolo halakili ye, k'an ka forow sebekoro walangata. O jiribatige danteme fana ye kungosogow dogoyorow karili ye. A be waati jan bo, donnikelaw ye nin kamaw fo; nka mogow m'u lamēn. U ko kungokolo hakili be hadamaden lasoro diya a juguw bolo. Mogow b'a la ka baganmara ke kosebe cogo min na, o fana ye baganw ni hadamadenw dorogo jagon na. Baganw cayako jugu, furance t'u ni sigidalamogow ce tuguni. U ferrekerā jagon na. Baganbana jugu caman yelemāna hadamdenw na. A dow be mogow faga. Misiw ye jonin ni sogosogoninje lasē mogow ma nin cogo de la. Lew ye keteketenin lasē mogow ma nin cogo de la. Tonkonow ye mura lasē mogow ma nin cogo de la. Kunnafoniseben min be wele tubabukan na « le monde dipulomatiki », o min bora san 2020 marisikalo kono, o y'a jira ko tonsow ye Ebola lasē mogow ma nin cogo de la. Lamerikenjamana demedonçakēda min be wele angilekan dape surun na Iyesiyayide (USAID), o ye kopjini dama min musaka bo, olu jaabiw y'a jira ko, hadamadenw ye bana suguya hake minnu soro baganw fe, o be se 900 ma. Koronawirisi yere sababu jonjon ma don folo.

Mali kono kungoda jirituma hake man ca. Kelenkelennin minnu be yen, an b'a la k'o jiriw halaki, ka dugukolon k'an sigijagon ye, ka dugukolo nafabobaaraw sorow nagasi. Jirituru kanpajiw se o se, u b'an tulokoro gan, ko san o san jiritu taari 100.000 be tipe jamana kono. O kanpajiw kelen be laadalajogonkunbenyoro daron ye, ka hakililaw di jagon ma. Nka u nafa ka dogo. Mun de koson an be kungosogow dogoyorow kari, ka laban k'o bagan kelenw k'an sigijagonw ye? Mun de koson an b'an yere nafa makaran, ka nine ko o nafa in sirilen don jama nafa la? Bana jugu minnu b'an kan bi, an k'an yere jininka an kewale juguw la.

2. Jamanakuntgi ye jigisigikuma fo

Jamanadenw tun sigilen be ka jamanakuntigi kono kosebe, a bena kuma min da mogow tulo kan. A kera ben te teri bo ye. Mogow caman y'a jira, k'a tun ma deli ka nin jagonna fo ka ben jama haminanko ma. A ka kumaw ye jamanadenw jigi sigi; ka da a kan koronawirisi in jore be dima na.

N'i ye jamanakuntigi ka korofon in labencogo jate mine, mogolawoloma ma ke a la. A y'a joyoro fa fasojaama ka

keneyako la. A y'a jini bee fe, an ka yeretanga waleyaw labato; o be sira da bana jugu in je, k'a masiba dogoya jamana kono. Jamanadenw ka yerelatanni min sigira senkan jamana fan bee fe, ko mogow te bo sufe k'a damine nege kanje 21 na ka se a kanje 5 ma, jamanakuntigi m'a sinsin o geleyaw kan; hali ni mogow caman be ka lakanabaa dow ka dangonwalew jununjunun ke o kono na. I don k'a be ka mogow deli, u k'u jilaja ka yeretanga waleyaw labato. K'i yere tanga ani k'i femogow tanga. An hakili la, fen min be jipi sigidalamogow kelenna fe, o te nin ye wa?

N'i ye jamanakuntigi korofon kono yere jate mine, i b'a ye ko dabali minnu kofora, o benna jama sago ma. Mogow tun sigilen be k'a kono olu de la. Sabula an lamini jamanaw na, jemogow y'u kun don geleya dow koro, minnu be se ka ke koronawirisi kololow ye. Bana in koson baaraw jora cakeda caman na, ka baarakelaw labila; sabula soro be ka dogoya. O de la jamana jemogow be mogow bolomademeni waleya dow sigi senkan, k'u ka penamaya kecogo dogoya u bolo. Dije kono, jamanakuntigi bee b'a la k'a seko ke a ka jamanadenw ye. Bee tulo be jagon kibaruya la.

Ni jamanakuntigiw joyoro do y'u ka jamanadenw lakanani ye, u b'u sanga jagon ma kewalew la. K'a jini ka je i ka jamanadenw ma ka teme bee kan. O de la Mali jamanakuntigi fana y'a dantige a ka jamanadenw ye. Kojugubake keleli be sen na jamana kono; o ye musakababo dan ye. Koronawirisi kololo kunbenni dabali 20 farala o kan. O dabali 20 kafolen be fan were fe nin kunnafoniseben in kono.

N'i ye goferenaman ye ka nin jagonna layidu ta, i b'a soro an be dabolo min kan, a ka jugu n'o bee ye. Nka munna depitesigi kalata tako filananw ma bo u dogo koro? Kun b'o la; jamanakuntigi ye min fo. A ko sigikafoba min kera Bamako san 2019 desanburukalo kono, jamanadenw de y'o lapini ke. O la a ko a b'a fe ka depitesigi kalata ke ka ban, min b'a to goferenaman be se k'a ka baara tow ke a fere ma depitebulon kura ka yamaruya kono. Geleya waati la, jamanadenw mako de b'u ka goferenaman na kosebe. Goferenaman fana fanga ye depitebulon ye a ka baaraw keli la sariya kono. Depitebulon de be sigidalamogow hamina jira, ani k'u lakana. O sira do ye lafiya donni ye jamana kono. Ben ni lafiya soroli la Mali kono, a jininen don yelema ka don jamana sariyasunba la. Depitebulon dun joyoro ka bon o la kosebe.

Berehima Ture
AMAPu jemogoba
Dokala Yusufu Jara